



MODEL DIRECTIV

As metter in viadi insembel

Valurs

- Mincha persuna es unica ed incumparabla (id es normal dad esser different). Nus respettain sia istorgia da la vita e seis ambiaint da viver.
- Da la spüerta da pedagogia speciala da GIUVAULTA pon profitar tuot las persunas, independentamaing a che naziun, religiun ed a che ambiaint cultural ch'ellas appartegnan.
- Persunas cun ün impedimaint sun üna part da la società. Nus eschan dependents ün da tschel.
- La stima pels uffants, giuvenils e creschüts in tuot lur esser e cumportamaint sco eir il respet per els es üna premissa importanta per l'accumpognamaint e la promoziun.
- Mincha persuna posseda la capacità fundamentala da'scolar, sviluppar e d'imprender. Ella as sviluppa in activitats ed experienzas cumünaivlas.

Nossa spüerta

A GIUVAULTA vegnan admess e promovüts uffants, giuvenils e persunas creschüdas cun ün impedimaint mental e/o multipel. Ad uffants e giuvenils spordschain nus instrucziun, terapia ed ün internat, als creschüts ün'occupaziun, terapia e gruppas d'abitar.

Il böt da nossa lavur

Nus vezzain il böt da noss'incumbenza i'l sustegn confuorm als bsögns, in üna chüra fidaivla ed illa promoziun individuala dals uffants, da giuvenils e d'abitantas ed abitants. L'indipendenza adattada tant sco pussibel a las pussibilitats individualas e la plü gronda partecipaziun pussibla a la vita publica sun ulteriurs böts. Ils uffants, giuvenils e creschüts assistits sun aint il center da la promoziun e chüra individuala cun lur bsögns, giavüschs, cumpetenzas e lur biografia.

Genituors e rapreschantants legals

Ils genituors e rapreschantants legals sun partenaris importants. Ils confamiliars sun invidats da's partecipar al process da chüra holistic tenor lur pussibilitats.

Collavuraziun / relaziun

Insembel culs genituors e'ls posts specialisats accompagnain nus a scolars e scolaras a GIUVAULTA eir illas transiziuns importantas davo il temp da scoula o a giuvenils/persunas assistidas davo il temp da fuormaziun. Nus chürain contacts cun instituziuns affiliadas, cun instituziuns vashinas e servezzans specialisats. Nus lavurain insembel cun las persunas d'instrucziun illa classa regulara e sustgnain cun nossas cugnuschentschas professionalas la realisaziun da soluziuns integrativas e promovain la permeabilità dals cunfins tanter scoula regulara e scoula speciala.

Collavuraturas e collavurators

Nus fain grondas pretaisas professionalas e umanas a nossas collavuraturas e noss collavurators. Nus spettain sen per respunsabilità, flexibilità ed ün ot nivel da lojalità. Nus dain pais ad üna fuormaziun supplementara cuntinuanta ed al perfecziunamaint da nos persunal per garantir il svilup ulterior da la qualità da sustegn e da chüra. GIUVAULTA spordscha plazzas da lavur attractivas. Las collavuraturas e'ls collavurators pon nüzziar lur abiltats e contribuir activamaing a la concepziun da lur lavur ed al svilup ulterior da l'instituziun.



MODEL DIRECTIV



Cultura

Il personal chüra ün contact plain respet. Illa relaziun tanter pêr ans inclegiain nus sco model per uffants e creschüts assistits. Quai es üna premissa fundamentala per ün'instituziun d'instrucziun. Üna critica averta e constructiva es adüna pussibla. Il plaschair da viver e l'umur sun importants per nus.

Organisaziun

GIUVAULTA ha üna struttura d'organisaziun clera. Las respunsabilitats sun regladas tanter il cussagl da fundaziun e la direcziun sco eir a l'intern da la gestiun. Per garantir la qualità da nossa lavur dispuona GIUVAULTA d'ün sistem da management da la qualità.

Autoritats

GIUVAULTA accumulscha ün'incumbenza publica. Cun las autoritats cumpetentas mantgnain nus üna collavuraziun constructiva. Per accumplir l'incumbenza dovrain nus ün spazi d'agir adequat e las resursas finanzialas necessarias. Nus fain atenziun d'üna ütilisaziun respunsabla ed economica da las resursas e da las esigenzas ecologicas.

Publicità

Per nus esa important d'infuormar la publicità davart nosa lavur. Per quist intent organisaina regularmaing arrandschamaints. Nossa comunicaziun es averta e transparenta. La reputaziun publica da GIUVAULTA vegn influenzada dal cumportamaint concret da seis rapreschantants e da seis personal.